



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XXXIII. Pseudochristi complures.

urn:nbn:de:hbz:466:1-16260


cando erravero. Accurate præterea observanda est dictio *ἀμα, simul*, cum ait: *ἰδὺναι δ' ἀμα τὴν ἀρχὴν τῆς βασιλείας τοῦ λόγιου ἰησοῦν*. Quasi dixisset, Alie quidem sunt vaticinii hujus significationes, sed simul cum is inest ibi quoque imperii Vespasiani significatio. Ita nobilissimum vaticinium homo verispellis & alterplex affusus tenebris opacavit, latebrasque adhibuit obscuritatis, ut dum Romanis rerum dominis palpabatur, popularium tamen suorum reprehensiones effugeret, exitusque sibi ac effugia quaquaversus paterent. Atqui hanc ejus *ἰήσων* cum in lucubraciones suas referrent Johannes Zonaras, Nicephorus, Pseudo-Hegeſippus, Freculſus Lexoviensis, & Johannes Sarisberienſis, latentes ibi *ἰήσων* & verſutias haudquaquam animadverterunt. Unus Eusebius, quemadmodum optimi ipsius codices habent, verba Joſephi cum tota ſua ambiguitate fideliter repræſentavit.

Zonar. Annal. Tom. 2.
Nic. l. 3. c. 4.
Hegeſ. libr. 5. cap. 44.
Frecl. Chron. Tom. 2. libr. 2. cap. 5.
Joh. Sar. Pol. libr. 2. cap. 4.
Euf. Hiſt. Eccl. libr. 3. cap. 8.
Pſeudo-Chriſti complures.

XXXIII. Tralatitia illa præterea & pervulgata de venturo his temporibus Meſſia perſuaſione abuſi alii plerique, Chriſti nomen ac dignitatem uſurpare auſi ſunt, cum ante id tempus quemquam hoc attentari nulla prodat hiſtoria. Primus hac impietate ſeſe alligavit Herodës Aſcalonita, cum Herodianorum, à quibus Meſſias habebatur, ſectam de ſe vocabulum habere paſſus eſt. Chriſtos poſtea ſe profeſſi ſunt vecordes illi Samaritani, Doſitheus, & Simon. Imperium deinde tenente Hadriano, Meſſiam ſe dixit Bar-Cocheba, ſive Filius ſtellæ; hoc inſignitus nomine, quod ſibi nobile illud Balaami vaticinium accommodaret: *Orietur ſtella ex Jacob*: deinde vero Bar-Cuziba, hoc eſt Filius mendacii dictus, poſtquam ejus impoſtura deprehenſa eſt. Regnum ejus poſtmodum tenuit Rufus ipſius filius, ac deinde Romulus nepos, Cuziba & ipſe dictus, avo cognominis. Multi exinde variis exorti ſunt temporibus Pſeudo-Chriſti, velut inſignis ille David Eldavid, qui Perſidis Regem bello laceſſere auſus veſaniæ tandem ſuæ pœnas capite luit; alique plures in Epistoſa Maimonidæ ad Rabbinos Maſſilienſes, & in libro Schebet Jehuda commemorati.

Num. 24. 17.

Sed concludenda tandem hæc diſputatio eſt, in qua luculenter à nobis oſtenſum eſt multas in Veteri Teſtamento haberi prophetias de Meſſia. Quod erat probandum.



PROPOSITIO OCTAVA

Is eſt Meſſias, cui uni conveniunt prophetiæ omnes
Veteris Teſtamenti de Meſſia.

VETERIS Teſtamenti prophetiis, quæ ſpectant ad Meſſiam, collectis ſimul, & ob oculos poſitis, certa continentur *vermeia*, & notæ quædam ſingulares, quæ ſi in quoquam appareant, eum eſſe Meſſiam haud cunctanter aſſeverabimus: ſin extent nuſpam, nec in ullo ad hanc diem deprehenſæ ſint, confidenter pronuntian- dum eſt, nec eſſe Meſſiam, nec fuiſſe. Factum id à Judæis, qui *vermeia* ſibi fingunt quædam, ad quorum normam Meſſiæ agnitionem exigere ſolent. Falfa autem ea cum ſint, falſa quoque illorum de Meſſia judicia conſequi neceſſe eſt. Omnis itaque eorum error in *vermelew* notitia & dijudicatione verſatur: multa enim, quæ in myſticum trahenda erant ſenſum, mortiferam ſectantes literam præpoſtere accipiunt. Velut cum forma præcellentem fore Meſſiam aiunt, propter iſtud Pſalmi quadreſimi quarti: *Specioſus forma præ filiis hominum*. Et cum terreno regno potiturum eum arbitrantur, quod de eo ſcripta hæc legerint: *Dabo tibi gentes hereditatem tuam, & poſſeſſionem tuam terminos terræ*. Bellatorem illum, & manu fortem, gentiumque multa- rum domitorem futurum ſperant, quod de eo prædicta illa ſint: *Sagitta tua acuta, populi ſub te cadent*. Rebus tandem ab eo tranquillatis ſumma pace, non homines ſolum inter ſe, ſed brutas quoque animantes fruituras his Iſaiæ perſuaſi crediderunt: *Habitabit lupus cum agno, & pardus cum hædo accubabit: puer parvulus minabit eos: leo quaſi boſ comedet paleas. Et delectabitur infans ab ubere ſuper foramine aſpidis, & in ca- verna reguli qui ablacatus fueris manum ſuam miſtet*. Sapientiſſimi Rabbினorum om- nium

Pſalm. 44. 3.

Pſalm. 1. 8.

Pſalm. 44. 6.

Iſa. 11. 6. & ſeq.